



MEDJUNARODNA KONFERENCIJA O ZAŠTITI LJUDSKIH PRAVA U
BOSNI I HERCEGOVINI
INTERNATIONAL CONFERENCE ON THE PROTECTION OF HUMAN RIGHTS IN
BOSNIA-HERZEGOVINA

المؤتمر العالمي لبرعاية حقوق الانسان في البوسنة والهرسك

GOSPODIN ALIJA IZETBEGOVIC
PREDSJEDNIK PREDSJEDNISTVA
REPUBLIKE BOSNE I HERCEGOVINE

*Bericht über Aktivitäten der
Arabischen Länder - Hilfe für
Bosnien*

Prav, Ali 6.12.95

I Z V J E S T A J

o aktivnostima međunarodne konferencije
o zaštiti ljudskih prava u Bosni i Hercegovini

I - KONFERENCIJA

Na poziv glavnog imama Zagrebacke džamije dr. Mustafe Cerica u Zagrebu je održana međunarodna konferencija o zaštiti ljudskih prava u Bosni i Hercegovini od 18. do 19. oktobra 1992. god.

Konferenciji je prisustvovalo oko stotinu predstavnika iz više od trideset islamskih i arapskih zemalja na celu s uglednim licnostima iz Islamskog svijeta.

Cilj Konferencije je bio upoznati islamski svijet o ratnim stradanjima posebno muslimanskog stanovništva, te uložiti hitni napor da se što prije pomogne pravredna borba u Bosni i Hercegovini. Konferencija je nevladina organizacija.

Konferencija je donijela trinaest odluka u vezi s tim.

II - IZVRJNI ODBOR I SEKRETARIJAT KONFERENCIJE

Na Konferenciji je odlučeno formiranje Izvrsnog odbora konferencije čiji je zadatak da inicira i prati sprovođenje odluka Konferencije, da koordinira politicku i humanitarnu pomoc Muslimanima Bosne i Hercegovine, te da radi na sirenju istine o zlocinima nad muslimanskim narodom.

Isto tako odlučeno je da se otvori Sekretarijat konferencije sa sjedistem u Becu.

III - PRVI SASTANAK IZVRISNOG ODBORA

Prvi sastanak Izvrsnog odbora konferencije održan je u Zagrebu 20. 10. 1992. god. na kojem su prisustvovali gospda:

- 1 - Muhamed al-Ghaazali, Egipat
- 2 - Jusuf al-Qardawi, Qatar
- 3 - Kamil al-Sharif, Jordan
- 4 - Umer al-Zubair, S. Arabija
- 5 - Ali al-Dzurais, S. Arabija
- 6 - al-Sajid Wasiti, Pakistan
- 7 - Ahmed Khursid, Pakistan
- 8 - Ahmed al-Assal, Egipat
- 9 - Salih al-Suhajbani, S. Arabija
- 10 - Muhamed al-Manuti, Malezija
- 11 - Salim Sabic, Bosna i Hercegovina
- 12 - Mustafa Plicanic, Bosna i Hercegovina
- 13 - Mustafa Ceric Bosna i Hercegovina
- 14 - al-Fatih Ali Hasanain, Sudan

Dr. Mustafa Ceric je izabran za predsjednika Izvrsnog odbora; dr. al-Fatih Husanain za sekretara. Odlučeno je da se sljedeća sjednica održi u Dzeddi,

IV - DRUGI SASTANAK IZVRŠNOG ODBORA KONFERENCIJA

Na temelju odluke donesene na prvom sastanku, Izvršni odbor se sastao u Dzeddi, S. Arabija, 11. 10. 1992. god. u sastavu:

- 1 - Sejkh Muhamed Ghazali
- 2 - Fehmi Hcweidi
- 3 - Kamil Serif
- 4 - Seikh Salih Suhajbani
- 5 - Ali al-Dzurais
- 6 - Umar al-Zubair
- 7 - Salim Sabic
- 8 - Mustafa Ceric
- 9 - al-Fatih Husanain
- 10 - Husejn Omerspahic

Sastanku je predsjedavao Mustafa Ceric sa sljedecim dnevnim redom:

- 1 - Izvjestaj sa prvog sastanka
- 2 - Sadasnje stanje u Bosni i Hercegovini
- 3 - Organizacija posjete zemljama Zaljeva
- 4 - Koordinacija posjete odgovornim u S. Arabiji
- 5 - Razno

Na sjednici je odlucene:

- da Shejkh al-Suhajbani stupi u kontakt sa protokolom S. Arabije radi prijema delegacije ispred Konferencije kod kralja Fehd ibn Abdulaziza;
- da se pripremi posjeta ujedinjenim Arapskim Emiratima, Qataru i Kuajtu;
- da prilikom prijema u ime delegacije govore Shejkh Muhammed al-Ghazali o znacaju Bosne za islamski svijet; Mustafa Ceric o genocidu nad Muslimanima Bosne, te Salim Sabic o potrebi politicke i ekonomske pomoci Bosni u njezinoj pravednoj borbi;
- da se pokrene osnivanje fonda za pomoc Bosni i Hercegovini u iznosu od milijardu americkih dolara;
- da se napisu pisma s potpisima clanova delegacije (kojoj se pridružuje i dr. Omer nasif, generalni sekretar Rabite) svim vladarima zemalja Zaljeva;
- da se ostvari sto vise kontakata sa organizacijama i licnostima u S. Arabiji radi humanitarne pomoci Bosanskim Muslimanima;

V - PRIJEMI U SADIJSKOJ ARABIJI

Nedjelja, 11. 10. 1992.

PRIJEM KOD PRINCA SELMANA IBN ABDULAZIZA, GRADONACELNIKA RIJADA I PREDSJEDNIKA VRHOVNOG ODBORA ZA POMOC BOSNI I HERCEGOVINI

Razgovor protekao u srdacnoj atmosferi i svesrdnoj spremnosti da se pomogne Bosanskim Muslimanima u svakom pogledu. Delegaciji je priredjen i rucak u prisustvu velikog broja uglednih gradjana S. Arabije.

Ponedjeljak, 12.10. 1992.

PRIJEM KOD PRINCA SULTANA IBN ABDULAZIZA, MINISTRA ODBRANE SAUDIJSKE ARABIJE

Razgovor otvoren s puno obecanja za konkretnu i brzu pomoc u svakom pogledu.

Utorak, 13. 10. 1992.

PRIJEM KOD PRINCA MADZIDA, GUVERNERA POKRAJIMA MEKKE, DZEDDE I TAIFA

Razgovor srdacan s puno optimizma za pomoc.

Srijeda, 14.10.1992.

PRIJEM KOD KRALJA FEHD IBN ABDULAZIZA

Razgovor trajao blizu dva sata. Nakon poduzetog govora Kralja Fehda, govorio je Sejkh Muhamed al-Ghazali ukazujuci na znacaj Bosnaskih Muslimana u Europi za Islamski svijet i odgovornosti svih muslimana u svijetu da im se pomogne, prije svega kralja Fehda i saudijske vlade; zatim je govorio Mustafa Cerić ukazujuci na cinjenicu da se nad Bosnaskim Muslimanima vrši necuveni genocid pred ocima cijelog svijeta ukuljucujuci i muslimanski, naglasavajuci da se na primjeru Bosanskih Muslimana najbolji vidi koliko su zivot, vjera, sloboda, imetak i cast muslimana nezasticeni te da delegacija ocekuje od njegove ekscelencije da ulozi maksimum napora svojim autoritetom u svijetu kako bi se zaustavio progon i ubijanje Bosnaskih Muslimana; Salim Sabić je govorio o fondu za pomoc Bosni i zatražio da S. Arabija ucestvuje s pocetnim prilogom od 400 miliona americkih dolara.

Na sva ova izlaganja kralj Fehd je odgovorio pozitivno i obecao da ce sve uciniti da se nasa ocekivanja ostvare.

Istog dana navecer delegacija je iz Dzedde specijalnim avionom otputovala u Emirate, tj. u Sardzu.

Cetvrtak, 15.10.1992.

PRIJEM KOD VLADARA SARDZEH SEJKHA SULTANA AL-QASIMIJA

Vrlo srdacan razgovor sa velikim prijateljem Bosne Sejkhom Sultanom koji je priložio fondu svojih dva miliona americkih dolara. Sejkh je kazao delegaciji da on sve bosanske patnje licno prezivljava i da je njegova pomoc neogranicena u svakom pogledu.

Petak, 16.10.1992.

Delegacija je oko 10.00 sati ujutro autima krenula za Abu Dabi.

Oko 12.00 delegaciju je u hotelu Siraton posjetio ministar vakufa Ujedinjenih Arapskih Emirata.

Dzumu-namaz delegacija je klanjala u velikoj Khalifa dzamiji gdje je nakon namaza Sejkh al-Ghazali govorio velikom broju prisutnih u dzamiji o patnjama i nadama Bosnaskih Muslimana. Nakon toga prisutnima se obratio kratkim govorom i porukama Mustafa Cerić i Sejkh al-Suhajbani.

Subota, 17.10.1992.

PRIJEM KOD SEJKHA ZAIDA IBN SULTAN ALI NEHJAN, PREDSEDNIKA UJEDINJENIH ARAPSKIH EMIRATA.

Razgovor otvoren, iskren i s puno obećanja.

Istoga dana delegacija je specijalnim avionom otputovala u Qatar.

U Qataru delegaciju je primio ministar vakufa.

U nedjelju navecer delegacija se ponovo vratila u Dzeddu.

VI - TRECI SASTANAK IZVRISNOG ODBORA KONFERENCIJE

Svoj treci sastanak Izvrsni odbor je odrzao u Abu Dabiju na kojoj je donio slijedece odluke:

- gosp. Kelam Siradzuddin iz S. Arabije prima se kao stalni clan Odbora
- gosp. Muhamed Catic prima se kao povremeni clan Odbora

VII - CETVRTI SASTANAK IZVRISNOG ODBORA KONFERENCIJA

Cetvrti sastanak Odbora odrzan je u Qataru na kojem su donesene slijedce odluke:

- gosp. Kemal Siradzuddin se imenuje za koordinatorka public relations pri Sekretarijatu Konferencije, a dr. al-Fatih se zaduzuje da u sto kracem roki nadje administratora Sekretarijata;

- peti sastanak odbora održat će se 16.11. 1992. god. i Istanbulu odakle će delegacija krenuti na drugu turu svojih posjeta islamskim zemljama i to: Iran, Pakistan, Malezija, Indonezija i Brunaj;
- za koordinaciju ovih posjeta zadužuju se dr. Fatih i gosp. Siradzuddin;

Izvršni odbor je uspješno završio svoju prvu turu posjeta zemljama Zaljeva, izuzev Kuvajta koji je zamolio da se posjeta odgodi zbog izbora u toj zemlji, nadajući se da će njihova druga tura iz Istanbula biti još uspješnija.

VIII - OPCA ZAPAZANJA

Posjeta delegacije Međunarodne konferencije za zaštitu ljudskih prava u Bosni i Hercegovini bila je procjena javnim medijima i počascena od mnogih uglednih ličnosti i organizacija koje prate zbivanja u Bosni.


Posebno treba naglasiti veliku pomoć koju svojim velikim autoritetom u islamskom svijetu promiče poznati islamski učenjak Sejkh Muhamed al-Ghazali. Iako u podmaklim godinama, Sejkh al-Ghazali se zalozio svim srcem da objasni vladarima i narodima islamskih zemalja o nužnosti da se pomogne Bosanskim Muslimanima.


Kao osobni izaslanik predsjednika Alije Izetbegovića, Salim Sabić je privukao veliku pažnju u svim sredinama gdje je delegacija boravila. Sa svoje strane Salim Sabić se zahvalio pojedincima i organizacijama u ime predsjednika Izetbegovića za dosadašnju pomoć Bosanskim Muslimanima u njihovoj borbi za slobodu.

Svi članovi delegacije su se svesrdno trudili da pridonesu objasnjavanju nepravde koja se čini Bosanskim Muslimanima i potrebe da im se pomogne. Treba posebno istaknuti veliki angažman Sejkha Saliha al-Suhejbanija koji je, zajedno sa Alijem al-Dzurejsijem, vrlo uspješno organizirao sve prijeme u S. Arabiji. Pri tome mu je pomagao i dr. Umer al-Zubejr, veliki prijatelj i ljubitelj Bosne i Hercegovine.

Sudbici prema onom što je delegacija čula od najodgovornijih danas u islamskom i arapskom svijetu nadati se je da će Bosna i Hercegovina dobiti borbu za slobodu i čast svojih građana.

Dzedda, 19.10.1992

Sekretar:

dr. Al-Fatih Husanain

Predsjednik:

dr. Mustafa Cerić